

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Menippus sive dialogorum satyricorum centuria
inanitatum nostratum speculum**

Andreä, Johann Valentin

Cosmopoli [i.e. Straßburg], 1618

54. Vanitatis Trivmphvs

[urn:nbn:de:bsz:31-107424](#)

54. *VANITATIS TRIVM-
PHVS.*

A. **L**icet ne etiam recitare somnia? B. Recitare licet, sed despovere decet. A. Iucundum tamen est vel dormientem esse felicem. B. Nescis tu quam frequenter soleat fieri ex auro lutum? A. Audi tamen, dein quod videbitur iudica. B. Recita somniator. A. Quodam tempore, cum inter humanæ temeritatis contemplationes obdormiscerem, triumphantem vidi vanitatem. B. Quid miri, cum id quotidie videamus idque gementes? A. Sed haec visio mea omnibus partib. constabat. B. Videris omnino vano vanius aliquid vidisse, refer ergo. A. Primum cum tuba prodibat loquacitas, famæ opinor loco spectatores convocatura, cui pictura & prælum ancillabantur. B. Satis condignum exordium. Inde magna lassitudine sequebantur strigosissimi duo equulei, labor & fidelitas dicti. B. Heu sortem nostram! A. Iis aurigæ duo superimpositi erant, otium, & crapula. B. Ah sortem iniquam! A. Additi & stimulantes duo, Assentatio, & Consuetudo. B. Importuni equidem. A. Iam ipsa vanitas sublimi curru vecta mirum qua facie, quo habitu & ornatu fuit. P. Frustra eam describes, nam ex omnibus terræ particulis composita est, insuperque in horas omnes variabilis. A. Sed & comites duas habuit, sive sorores malis, impietatem, & profusionem. B. Infaustas orbis pestes! A. Subsequebantur stupor & lucrum, ille multum ea-

E 2 chin-

100 VANIT. TRIUMPH.

chinnans, hoc in sinum gaudens. B. Tunc hæc te somniaſſe dices? A. Evidem; ut hujus mundi nox est, qua Christianæ Religionis severitas occidit, & Ægyptiæ tenebræ Satyrorum chortos & Iudibria reduxerunt. B. Quid anne Christus gaudium omne prohibet? A. At tu nondum chorūm meū omnē audivisti. Nam post omnes sublequebatur Christus, asinā vēctus, & vae vae illud lachrymarum imbre ingeminans; cumque jam propè mihi esset, audivi dicentem: Hoc vobis confirmo, mitius actum iri cum Sodomis & Gomorris in die judicij, quam cum his.

55. FIDES IVRI-DICA.

A. Tene lætari rebus tam tristibus? B. Etiam exultare libet. A. Quid? An Homerus revixit? B. Nuga! libellus novus contigit. A. Vah libellos, quibus nihil est interris jejunius. B. Quibus nihil est ad leniendam hanc vitam presentius. A. Quid ergo tibi confert boni libellus tuus? B. Novam fidem. A. Deus avertat! nam cum inter tot novas fides vix veterem retineamus, quid de recentiore aliqua fieri? B. Atqui hæc nova mēa, illa antiqua fides est, sub qua salvifica fides ut plurimum resplenduit. A. Quid illi sectæ nomen? B. Hem sectæ, quæ sectatorem vix uspiam habet! A. Sive religioni? B. Quam colere nostris religio est. A. Ergo persuasiōni. B. At nemini